

749 Ô wol diu wîp, diu dich sulen sehen!  
waz den doch sælden ist geschehen!«  
»Ir sprechet wol, ich spræche baz,  
ob ich daz kunde, ân allen haz.  
5 nû bin ich leider niht sô wîs,  
des iwer werdeclicher prîs  
mit worten mege gehôhet sîn;  
got weiz aber wol den willen mîn.  
swaz herze unt ougen künste hânt  
10 an mir, diu beidiu niht erlânt.  
iwer prîs saget vor, si volgent nâch.  
daz nie von rîters hant geschach  
mir græzer nôt, vûr wâr ichz weiz,  
denne von iu«, sprach der von Kanvoleiz.  
15 Dô sprach der rîche Feirefiz:  
»Jupiter hât sînen vlîz,  
werder helt, geleit an dich.  
dû solt niht mære irzen mich.  
wir heten bêde doch einen vater.«  
20 mit brüederlîchen triwen bat er,  
daz er irzens in erlieze  
unt in dutzenlîche hieze.  
Diu rede was Parzivale leit.  
der sprach: »bruoder, iwer rîcheit  
25 glîchet wol dem bârucke sich;  
sô sît ir elter ouch denn ich.  
mîn jugent unt mîn armuot  
sol solher lôsheit sîn behuot,  
daz ich iu duzen biete,  
30 swenn ich mich zûhte niete.«

Ô (D Z) *om.* \*G (ohne L) \*T  
doch *om.* \*T I  
»ir seht wol, \*G (ohne Z)

daz i. \*G (\*T) (V)  
mit w. müge gehalten (Geuellet I) sîn; \*G (ohne LZ)

ouge \*G (nur G)  
n. enlânt (evch niht [verlant]: erlant Z). \*G n. e., \*T · Da mit sý uwer lop niht lant L  
iweren brîs sage ich vor (brîs si vor G prîs ich sage L), \*G

»got hât rehte (*om.* L) s. vl., \*G (ohne Z)

wir haben b. d. (doch bede I) \*G wir h. beide (doch L) \*T (L)

er sp. (*om.* I): \*G (ohne LZ) dô sp. er: \*T

\*D: D \*m: m V \*G: G I L Z \*T: U

1 Initiale D G L Z 3 Majuskel D 9 Initiale I 15 Initiale V · Majuskel D 23 Majuskel D 27 Initiale I

1 diu dich] di dich D diu \*m (nur m) 2 geschehen] beschehen ([bescheht]: beschehten m) \*m (nur m) 13 ichz] ich daz \*m (nur m) 19 bêde doch] doch beide \*m 21 irzens in] in irzens \*m 22 hieze] hiute hieze \*m (nur m) 24 der] er \*m